

ახალი ლეჩხუმი

ეროვნული
ბიბლიოთეკა

პირველად იყო სიტყვა, და სიტყვა იყო ღმერთთან და სიტყვა იყო ღმერთი

იოანეს სახარება

რაიონის გამგებობისა და საკრებულოს ორგანო

რეგისტრაციის ნომერი: №57/1-180

თემატიკური №23 (17) ფასი 30 თეთრი

რაიონის გამგებობაში

საინფორმაციო ოპერატიული თ ა თ ბ ი რ ზ ე

თათბირს, რომელიც 24 თებერვალს ჩატარდა, რაიონის გამგებელი ზურაბ ხეცურიანი უძღვე-
ბოდა, ესწრებოდნენ წარმომადგენლები—დაწესებუ-
ლებათა ხელმძღვანელები.

სხდომას შესავალი გამგებელმა გაუკეთა, მანვე
ისაუბრა ახლახანს თბილისში ჩატარებული
მთავრობის სხდომის შესახებ.

„ქვეყანაში ძალიან მძიმე მდგომარეობაა, 27
თებერვალამდე ვერ ახერხებენ ტრანსფერის გად-
მორიცხვას, თუმცა ზამთრის თვეებისათვის ეს
დამახასიათებელია, ხელფასები მაინც გაიცემა.

ჩანს თუ არა, ქვეყანა ნაწილობრივ მაინც
მიდის წინ, თუნდაც იმიტომ, რომ სახელმწი-
ფომ შეძლო ორასი ათასი ლარის გამოყოფა
სარემონტო სამუშაოებისათვის, შესაძლებელი
გახდება მწველზედგომა ხელფასის და საერ-
თოდ, ხელფასის მომატებაც.

მოახლოვდა საპარლამენტო არჩევნები, თუმცა
ამას საყოველთაო არეულობა არ უნდა მოჰ-
ყვას, ხალხს მივცეთ თავისუფალი არჩევანის
გაკეთების საშუალება.

არ შემოიღია არ შევეხო მთავარ თე-
მას—ბიუჯეტს, თითოეული თქვენგანი უნდა დაგ-
ვეხმაროს მის საფუძვლიან შედგენაში, ბიუჯეტის
დღივ პრეზენტაცი დღეებისათვის არის შესრუ-
ლებული, რაშიც მთავარი დამსახურება საგა-
დასახადო ინსპექციის მიუძღვის.

ბიუჯეტის შესრულება—ეს არის აუცი-
ლებლობა, სხვათაგან რაიონის ყოფნა არ-
სებობა სასწორზე დგება.“

თავისი გამოცდილების შემდეგ ბატონმა ზუ-
რამ სიტყვა მისცა დაწესებულებათა ხელმძღვა-
ნელებს.

კარლო კვირიკაშვილი—საგადასახადო ინ-
სპექციის უფროსი: „ჩვენთვის მთავარი პირ-
ველ რიგში ეკონომიკური საკითხების მოგვა-
რებაა. იანვარში საგადასახადო ინსპექციამ
შეძლო 7 ათასი ლარით მეტი შეეტანა ბიუჯეტში.
გეგმა გახლდათ 58 ათასი ლარი, შეტანილია
65 ათასი ლარი, აქედან 47 ათასი ჩაირიცხა
ცენტრალურ ბიუჯეტში. ადგილობრივს დააქ-
და 5000 ლარი.

თებერვლის გეგმაც დაახლოებით 58000 ლა-
რია, აქედან 40 ათასამდე უკვე შესრულებულია,
თუ გადახდები კეთილსინდისიერად მოეკი-
დებიან საკითხს, გეგმა ბოლომდე არის შეს-
რულებადი.

ნაირა ბერაძე—საფინანსო განყოფილების
გამგებ:

2003 წელი დავიწყეთ დაუმტკიცებელი
ბიუჯეტით, მაგრამ თანხების განკარგვაში ქაო-
სი ნამდვილად არ გვაქვს.

იანვრის გეგმა ბოლომდე ვერ შესრულდა,
მაგრამ წინა წელთან შედარებით ზრდა ნამ-
დვილად ფიქსირდება. სრულყოფილად ვერ მი-
ვიღეთ ტრანსფერი, ამიტომაც სრულიად ვერ
მოხერხდა ხარჯების გაწევა.

2003 წლის ბიუჯეტი უნდა დამტკიცდეს

პირველ მარტამდე, რადგან რესპუბლიკური
ბიუჯეტის დამტკიცებამდე ჩვენ არ გვქონდა
ამის საშუალება.

2003 წლის 1 ივნისიდან უნდა განხორცი-
ელდეს 20%-იანი შემცირება, როგორც მა-
ღალმთიან რაიონს, შეღავათი ეძლევა განათ-
ლების სფეროს, ახლადშექმნილ საბიუჯეტო და-
წესებულებებს, ლტოლვილებს.

სიახლეა საქართველოს საგადასახადო კო-
დექსში 2003 წლის თებერვალში შეტანილი
ცვლილებების თანახმად

2004 წლის 1 იანვრამდე აღდგენილ იქნა
ეკონომიკური საქმიანობის გადასახადი

მაღალმთიანი რეგიონების ტერიტორიაზე არ-
სებული საწარმოების და ფიზიკური პირთა
ქონების გადასახადიდან გათავისუფლება განხორ-
ციელდება 2004 წლის 1 იანვრიდან, 2004
წლის 1 იანვრამდე გაუგრძელდა მოქმედების
ვალა პრეზუმციულ გადასახადებს, 2004 წლის
1 იანვრამდე გადატანილი იქნა ამოქმედების
ვალა საგადასახადო შეღავათებზე; მაღალმთი-
ან რეგიონებში მცხოვრები მრავალშვილიანი
(სამი და მეტი შვილი) პირის საშემოსავლო
გადასახადებიდან გათავისუფლებაზე; ვაჭრობის
ნებართვისათვის მოსაკრებელი გადაცემულა გა-
რე ვაჭრობის მოსაკრებლად.

2002 წლის აპრილიდან დაწესდა შეღავა-
თები ელექტროენერგიაზე მეორე მსოფლიო ომის
ვეტერანებისათვის, აგრეთვე საქართველოს ტე-
რიტორიული მთლიანობისათვის მებრძოლ ინ-
ვალიდებზე (ზამთრის სეზონში 250 კვ. სთ.
ზაფხულს—150 კვ. სთ).

ანგარიში გაწეული მუშაობის შესახებ წარ-
მოადგინა ცაგერის რაიონის პოლიციის უფ-
როსმა მირიან მეშველიანმა.

ისაუბრეს ცაგერის ფოსტის უფროსმა გი-
ზო მუშკელიანმა, ენერგოგასაღების უფროსმა
ზაურ აბელეიანმა, რაისაავადმყოფოს მთავარმა
ექიმმა მურმან თოთაძემ და სხვებმა.

დასასრულს ბატონმა ზურაბ ხეცურიანმა
შეაჯამა სხდომის მუშაობა. მან დააფიქსირა,
რომ ამ ეტაპზე სოფელ ლასურიაში მეწყრი-
ანობის დროს დაზარალებული მოსახლეობიდან
დაზარალების მიიღებს 21 ოჯახი, ისინი, რომელ-
თაც დაენგრათ სახლები და იმყოფებიან სტი-
ქიის ეპიცენტრში, თანხა გაიცემა და განიკარ-
გება პრეზიდენტის ფონდიდან.

პრეზიდენტის ფონდიდანვე გამოიყოფა თანხა,
რომელიც დაიხარჯება მძიმე ტექნიკის, კერძოდ
„კამაცოს“ შესაძენად, აქვე გამოიყოფა თანხა,
რომელიც ნაპირსამაგრი სამუშაოების ჩასატა-
რებლად საწვავში გამოიყენება.

გამგებელმა თითოეული ხელმძღვანელის გა-
მოსვალს გაუკეთა კომენტარი და მისცა სამო-
მავლო დავალებები.

თაგარ ღავითულიანი

დავით აღმაშენებელი

მ თებერვალს მთელმა საქართველომ იზეიმა დიდი დავითის ხსენების დღე



დავით აღმაშენებლისა და თამარის ეპოქის სახით თვისსა გამოვლილ გზაზე ქართველ
კაცს რაღაც იმაზე მეტი დარჩა, ვიდრე ეს მხოლოდ დიდებული წარსული იყო. ვერც გლოვამ
„წარსულს დროებზედ“, ვერც ამ გლოვის „აკრძალვამ“ ვერ მოაწილებინა საქართველოს
დარდი დავითისა და მისსავე სემაღალ დროის, ვერ „ჩააბარა“ იგი ისტორიას, ვერ გადაუ-
ლოცა დიდებული მატინეების ფურცლებს. დავითის მთამომავალ ქართველს არ აქვს უფ-
ლება ღირსეულ ცხოვრებით არ ცხოვრობდეს. ერთბაშად დიდი ქვეყანა არ შენდება, არც
ტექნიკური ერი უაღიბდება ერთბაშად, მაგრამ ქართველი ხალხის ღირსეულ შვილთა მიერ
იმდენი ფიქრია დამწვარი ტექნიკური გზების სანათლებად, იმდენი მიზეზია განსწრევილი
და ცოდნა დაგროვილი, იმდენი წმიდა სისხლია დანთხეული და ოფლი დაღვრილი, დღენი-
ადავ გვაფრთხილებს, რომ ერის ღირსებანი მარადიულია, ერის წარსული დღევანდლობაა,
სიამავეა და უკეთესი მომავლის ნიშანსვეტია. ამ ნიშანსვეტზე სვალნიდელი საქართველოს
ოცნებაა ასხმული და ქართველი ხალხის მოუსვენარი ფიქრი. ესაა დღენიდავ რომ გვაბრუ-
ნებს წარსულში, წარსულის მდუმარ სამყაროში, სადაც აზრით საფე მიხსითა და მიმართუ-
ლებით განსივოსნებული ენებები მდინარებს, სადაც დგას მრთელი წინაპარი. საწადელი
ღიმილით, მადლიერი სედეით, უძლიერეს სიმასხილით, გონების უკიდევანო სივრცით და
ჩვენ კარგად უნდა გვეჩქას მისი გულის ძახილი.

ჯანსუღ ღვინჯილია

ახონსი... ახონსი... ახონსი...

● ვაზიაროთ პაქოსიის უზიდ საიდუმლოს ➡ გვ. 3

● მის პიროვნებაში მუშავნივრად ჯდება
მოცეკვავისა და პოლიციელის პროფესია ➡ გვ. 2

● ნუ დაგვზარდება მხურვალე
აპლოდისმენტები... ➡ გვ. 4

მის პიროვნებაში მშვენიერად ჯდება მოცეკვავისა და პოლონეთის პიროვნება

ინტერვიუ

მაშველთა კორპუსი—როგორც ჩვენ ვეძახით. არის ასეთი სამსახური ცაგერში. მოგიერთის აზრით, საკმაოდ ჩამყუდროებული, თბილი, ჩვენს სინამდვილეში მშვენიერი ანაზღაურებით. საქმე ისაა, რომ ამ სამსახურს უმარაშარი მისია აკისრია—არცთუ იმედათად. საკუთარი სიცოცხლის ფასად ჩვენს სიცოცხლეს იცავს, ჩვენს ჯანმრთელობას, ჩვენს უსაფრთხოებას.

დღევანდელი ნომრის სტუმარია საგანგებო სიტუაციებისა და სამოქალაქო თავდაცვის შტაბის უფროსი რაჭა-ლეჩხუმისა და ქვემო სვანეთის მხარეში ბაგონი ვახტანგ კირიკიძე.

—**რამდენიმე ძირითადი შტაბის თქვენი ბიოგრაფიიდან.**

—დავიბადე თერჯოლის 1960 წელს. სკოლა ზესტაფონში დავამთავრე. 1978-1980 წლებში გავიარე სამხედრო-სავალდებულო სამსახური. შემდეგ დაკავებული ვიყავი ცეკვით ანსამბლ „იმერეთში“ (თერჯოლა). ეს გახლდათ მსოფლიო ფესტივალის ლაურეატი ანსამბლი, პირადადაც მიღებული მაქვს მსოფლიო ფესტივალის ლაურეატის წოდება.

შემდეგ ჩავერიცხე თბილისის სახელმწიფო უნივერსიტეტის იურიდიულ ფაკულტეტზე. 1990 წლიდან ვმუშაობ შინაგან საქმეთა ორგანოებში სხვადასხვა თანამდებობაზე.

1997 წლიდან დღემდე ვარ შინაგან საქმეთა სამინისტროს საგანგებო სიტუაციებისა და სამოქალაქო თავდაცვის შტაბის უფროსი რაჭა-ლეჩხუმისა და ქვემო სვანეთის მხარეში.

მყავს მეუღლე და ერთი ქალიშვილი.

—**გმადლობთ. გადავითქვამთ საქმეზე. როგორია თქვენი სამსახურის სპეციფიკა, სტრუქტურა...**

—პრეზიდენტის ბრძანებულებით ყველა მხარეში შეიქმნა საგანგებო სიტუაციებისა და სამოქალაქო თავდაცვის შტაბები. ანალოგიური შეიქმნა რაჭა-ლეჩხუმ-ქვემო სვანეთშიც. ჩვენი სამსახური მხარის ადმინისტრაციულ ცენტრში—ამბროლაურში უნდა განთავსებულიყო ტერიტორიულად, მაგრამ რაკი იქ შესაბამისი ბაზა არ აღმოჩნდა. გადმოვედით ცაგერში.

როდესაც და საპასუხისმგებლო სამსახური გვაქვს. იგი ითვალისწინებს მასობრივი, დიდმასშტაბიანი სტიქიური მოვლენების-ხანძრების, მეწყერის, წყალდიდობის, მიწისძვრის, დიდთოვლობის, ზეგვებისა და სხვათა სამაშველო და სალიკვიდაციო სამუშაოებს. პოლიციური თვალსაზრისით ჩვენი მოვალეობაა ზედამხედველობა არ მოვაკლოთ იმ უბნებზე, სადაც ექსტრემალური პირობებია—არაფერი დაიკარგოს, არაფერი მოხდეს, დაეიცვათ ადამიანები და მათი ქონება.

რაიონში სამოქალაქო თავდაცვისა და საგანგებო სიტუაციების უფროსი გახლავთ ბატონი გრიშა ჩიქოვანი. როდესაც ცხადდება სამაშველო სამსახურის მობილიზაცია, ადგილზე საგანგებო სიტუაციებს განაგებს რაიონის გამგებელი, მოადგილე გრიშა ჩიქოვანი, მხარეში ხელმძღვანელობს გუბერნატორი და მოადგილე მე გახლავართ.

კადრებს რა პირინციპებით არჩევთ, რა კრიტერიუმებით?

28 საშტატო ერთეულს ვითვლით. ეს არის გასამხედროებული კონტინგენტი. კრიტერიუმები ასე-

თია: ვიღებთ 35 წლამდე ასაკიანს, აუცილებლად სამხედრო, სავალდებულო მოვლილს, არ უნდა იყოს ნასამართლევი არათუ თვითონ, ცოლის მხრიდანაც კი არაფერი უნდა ჰყავდეს, ფიზიკურად, ბუნებრივია ჯანმრთელი და ძლიერი უნდა იყოს.

ამ ბოლო ხანებში ყველაზე ცხელი წერტილი რა უბანში იყო. საზოგადოებამ დაინახა, რომ თქვენს მხარეზე გადაიარა მთელმა სიმძიმემ, რას გვეტყვით ამასთან დაკავშირებით.

27 იანვრის ღამე იყო. ასე 10 საათი იქნებოდა, შეტყობინება რომ მივიღეთ. 11-ს რაღაც წუთები აკლდა, რომ ადგილზე ვიყავით ხალხი პანიკაში იყო. გამგებელი იქ დაგვხვდა. მოსახლეობა სახლებიდან გამოვიყვანეთ. მათ ოჯახებს კი ჩვენ ვიცავდით. იმ ღამესვე განგაში ავტებე ყველა ოფიციალურ დონეზე, დაეკავშირდით და გამოვედით რუსთავე-2-ზე, პირველ არხზე. აქვს ამას დიდი მნიშვნელობა.

დილის 10 საათზე ქუთაისელი კოლეგები შემოგვიერთდნენ—20-კაციანი ჯგუფი 2-ხიდან მანქანებით.

იმ დღეების დავიწყება, უბრალოდ, შეუძლებელია, ხალხის თვალები უნდა გენახათ—სასოწარკვეთილებს რა იმედი ჰქონდათ, რომ მართლაც არ იყვნენ ამ გასაქირში. წუთიწუთზე იცლებოდა სახლები ისე, რომ ერთი ჰქონდა არ გატეხილა, ერთი ნემსიც არ დაკარგულა.

ჩვენი თავდადებული მუშაობა აღინიშნა კიდევ ოფიციალურ დონეზე—წარდგენილი ვარ შინაგან საქმეთა სამინისტროს მედალზე „უმწიკვლო სამსახურისათვის“.

...თუმცა არა ერთი ისევ ქირქლებს: რას აკეთებენა დომინოს თამაშის მეტს. რას იზამ, ენას ძვალი არა აქვს (ელიმება).

კოლეგები შემოგვიერთდნენო, ასევე. თქვენი სამოქმედო არეალიც სცდება ალბათ მხარის ფარგლებს. რას გაიხსენებდით?

ძალიან ბევრს. 98 წელს მთლიანი პირადი შემადგენლობა გალში წავედით იარაღით ხელში რამდენიმე დღის, ფაქტობრივად იქ ომი იყო.

ახლანდელ 12 თებერვალს დამეწყა სოფელი ჟოშა (ამბროლაურის რაიონი). 26 ოჯახს დამეშტრა საფრთხე, 6 ოჯახის ევაკუირება მოვახდინეთ;

ერთხელ დიდთოვლობის გამო სოფელ გლოლაში (ონის რაიონი) გამოგვიძახეს მაღალმთიანი სოფელი. ავედით მტკვრეული სახლების გადმოთოვლაზე ვიმუშავეთ, პროდუქტებით ავიტანეთ. მაღლიერებისა და სიხარულის ნიშნად პირდაპირ ტიროდა ხალხი.

ისევ ონის რაიონის სოფელ სააკაოდან მივიღეთ გამოძახება ღამის 4 საათზე. უცებ შევადგინეთ ჯგუფი და წავედით. თურმე ტურისტები მთის დალაშქრისას ხე-

ში გადაჩხილიყვნენ. გათენებისას ადგილზე ვიყავით. თბილისელ კოლეგებს მივასწარი. საშინელი ყინვა იდგა. გათოშილ-გალურჯებულმა ჩვენმა ბიჭებმა ტურისტები ამოიყვანეს, 30 კილომეტრზე ტყე-ღრეში ცხენითა და ფეხით ატარეს და სამშვიდობოს ჩამოიყვანეს. როცა ყველაფერი კარგად დამთავრდა, რით ეცათ პატივი, აღარ იცოდნენ, ხარი დაკლეს, მშობლებმა ფულიც კი შემოგვთავაზეს, ჩვენ ამაზე ერთი ამბავი ავტებთ.

კურობებიც გვხვდებოდა ალბათ. რამდენიც გნებავთ. ერთხელ ლენტეხს ზევით რომ სოფელია, რა ჰქვია იმას?

(ბაბილი, პასუხობენ ბიჭები, რომლებიც უჩუმრად შემოგვემატნენ და თანდათან ჩაერთნენ საუბარში).

ჰოდა, იქ მეწყერმა მთლიანად მოწყვეტა გზა რაიონულ ცენტრს, ფეხითაც ვერ მიმოდიოდნენ, წავედით და თოხებით და ბარებით გავხსენით გზა.

კურობი არ იყო პარლამენტის წინა არჩევნებისას ორბელის წევრზე რომ მეწყერი ჩამოწვა, ჩირალდებით გავანათეთ იქაურობა და თოხებით გადმოგვყავდა ხალხი.

და მაინც რა გრძობაა, როცა ხახადლებული მეწყერი მოგდევს, არ აბოზოქრებული ტალღებში სხვის გადასარჩენად უნდა გადაეშვა, რას ფიქრობთ ამ დროს?

შიში, რასაც თქვენ გულისხმობთ ნამდვილად არ არსებობს. მხოლოდ ერთი გრძობაა—უშველო, გადაარჩინო. იქნებ არ დაიჭვროთ? ექსტრემალურ სიტუაციებში, ერთი შეხედვით, ეს უწყინარი ბიჭები, რა თავგანწირვას იჩენენ, ყველა გარბის, ყველას უნდა წყალში ჩახტეს.

თქვენი სამუშაო პირობები, მატერიალურ-ტექნიკური ბაზა, პრობლემები.

ამ თანამდებობაზე რომ მოვედით, მხოლოდ ერთი ოთახი დამხვდა. 3 თვე სკამზე თითქმის არ დამჯდარავარ. შევქმენით მთლიანი საშტატო ერთეული. თითოეულ კადრს ვათანხმებდით პოლიციასთან. ეს გასამხედროებული გუნდია მკაცრი რეჟიმით. ჩვენთან სხვანაირი ბრძანებები იწერება, რომელიც დაუყოვნებლივ უნდა შესრულდეს. ბევრმა ვერ გაუძლო დატვირთვას. მე ვურჩიე, წაბრძანდით სამოქალაქო სამსახურში და იყავით მშვიდად-მეტე. დესპოტიც კი მიწოდეს, მაგრამ ვარ თუ არა დესპოტი, ამ ბიჭებს ჰკითხეთ. მათ უკვე ძალიან შევჩვიე, თითქოს ერთად გაზრდილები ვიყავით. თითოეულის ხასიათი ზედმიწევნით ვიცი. ვიცი თავიდან ძალიან ავღელდებოდი, იყო მცდელობა წაესულიყავი, მაგრამ გადავლახე. ბევრი რამ ვისწავლე ბატონი გრიშასაგანაც. არ გვეყოფნის ფართი, მოადგილეებს სამუშაო კაბინეტები არ აქვთ, ელემენტარული ღოკუმენტების კარადაც.

რაც შეეხება ტრანსპორტს, გვყავს მხოლოდ „ვოლგა“ და „ვილისი“. მით უფრო ვოლგა ვერ ჯდება ჩვენს სპეციფიკაში. ერთხელ ხონის რაიონში ხანძრის ლოკალიზებაზე გამოგვიძახეს და მანქანა თა-



ვაგნ ხაჩატრიან

ვად ჩვენ მიგვყავდა ხელით(!) გადაუღებლად გვესაჭიროება ერთი ორხირიანი მანქანა. ამის თაობაზე ოფიციალური მოთხოვნა დავაკენით გუბერნატორთან.

მოძველდა და მწყობრიდან გამოვიდა რაციები. 2 მობილური მოგვიხსნიდა პრობლემებს. თუ სამხარეო და რაიონის ხელმძღვანელობა გაგვიწვევენ დახმარებას, უდიდესი სიკეთე იქნება, მით უფრო ეს დიდ ფინანსებთან არ არის დაკავშირებული.

როგორია მაშველთა შრომის ანაზღაურება და იღებთ თუ არა ხელფასებს თავისდროულად?

რიგითების ხელფასი 80-85 ლარია, ოფიცრების—100-120 ლარი წოდებისა და სტაჟის მიხედვით. ასე თუ ისე, ვღებულობთ, მხოლოდ წინა წლების დავალიანებაა დაუფარავი.

ალბათ, საჭიროა ადამიანებმა მეტი იცოდნენ საკუთარი უსაფრთხოების და დაცვის მიზნით. რა მუშაობას ეწვეთ ამ მიმართებით, გულისხმობს ინტერუქტაქებს, კონსულტაციებს, სწავლებას და ა.შ.

მიგხვდით. ჩვენ აუცილებლად აღვადგენთ პრაქტიკას გამოვიღეთ ფართო აუდიტორიის წინაშე. წერილებით კონსულტაციებით. რაც შეეხება სიახლეს, სკოლებში შემოღებულია უსაფრთხოების სწავლება.

რაც შეეხება რაიონში მოქმედ ტექნიკური უნივერსიტეტის მოამზადებელ განყოფილებას და სულხან-საბა ორბელიანის სახელობის პედაგოგიური უნივერსიტეტის ფილიალს, დამუშავდა საკითხი ისწავლებოდეს საგანი „სამოქალაქო თავდაცვა“.

ბატონო ვახტანგ! როგორც იმერელი კაცი, ასე რომ ვთქვათ, სტუმარი, როგორ უყურებთ ლეჩხუმს, მის საზოგადოებას, როგორ შეეთვისეთ ღმერთმა ხელი მოგიმართათ... წინ ბევრი რამ გელით, რა გავყვებით ლეჩხუმიდან, დაგწვდებით თუ არა გული?

შემოთავაზებები იყო და ახლაც

სიამოვნებით მოვათვალყურებ შტაბის კაბინეტ-სათავსოები. წესრიგი, სისუფთავე, სილაშქრე და რაც მთავარია დისციპლინა, ისიც სამხედრო რანგში აყვანილი, რაც აგრერიგად მომხდლა თვალში და რაც ასე მოგვხატრებია.

...და მე ვირწმუნე მაშველთა გუნდის ხელმძღვანელის, ამ ახალგაზრდა კაცისა და მისი ბიჭების შემართება, ვირწმუნე, რომ მათ შეუძლიათ მთებიც კი შეძრან.

მზამინარა ძნელაა

ჩვენი გვფერავს

გმადლობთ!

ჩემი ბატონა შვილიშვილი, 3 წლის ელენე თითქმის დაბადებიდან ჩემთან იზრდება. ბავშვს დიდი ხანია ასომური შეტევები აწუხებს და მისი ჯანმრთელობა საფუძვლიან გამოკვლევასა და მკურნალობას მოითხოვს, რისი საშუალებაც მე არ გამაჩნია.

დასახმარებლად ბევრს მივმართე, მაგრამ დღემდე გულთან არავის მიუტანია ჩემი მდგომარეობა.

21 თებერვალს რაიონის გამ-

გებელი, ბატონი ზურაბ ხეცურიანიც შევაწუხე, მან თბილად მიმიღო, მომიხმინა, იმედი მომცა და შესაძლებლობის ფარგლებში თანხის გამოყოფასაც შემიძრა. თანხაც რომ არა, მე მაინც კმაყოფილი დავრჩებოდი ჩემს მიმართ გამოჩენილი დიდი თანაგრძობისა და ყურადღებისათვის, რისთვისაც ბატონ ზურაბს უღრმეს მადლობას ვუხდით.

თამარ კუხიანიძე-კობახიანი

მეოთხელობისათვის ცნობილია, რომ ჩვენი გაბითის ყოველ ნომერში გვაქვს საუბარი სხვადასხვა ქრისტიანულ დღესასწაულებზე, თვით ქრისტიანობაზე, მარხვაზე... ამჯერად, შევეცდებით მართლმადიდებლური ეკლესიის შეიძლება საიდუმლოს გაგებაში. პირველად ნათლისღების საიდუმლოთი დავიწყებთ, რამეთუ „ნათლისღებით ძველი სჯული დახრულდა და დახაბა ახალმა მიიღო, რადგან ღმერთი გაბითნდა და მადლი გაბითნდა, წყლის განწმენდილ ბუნებაში მადლი დაიხრება. იესო ქრისტე წყლით და სულიწმინდით ამ ცხოვრების ცოდვებისაგან დაძვლებული კაცის ბუნება განაახლა და პირველქმნილი ადამი კრულებისაგან გახსნა“ (იოანე 1:33).

მასალის მომზადებაში დაგვეხმარა ცაგერის ღვთისმშობლის მიძინების სახელობის ეკლესიის მოძღვარი არქიმანდრიტი ანტონი, რომელსაც არაერთხელ აღუვლენია ნათლობის, ქორწინების, მარხვის თუ სხვა საიდუმლო. მამა ანტონმა გვთხოვა მიგვეთითებინა, რომ ეპისკოპოს ალექსანდრეს (სეზოხი-გაბა-მანსკი) მართლმადიდებლური კატეხიზმოდან იხელმძღვანელა.

ნათლისღების საიდუმლო

ნათლისღება არის საიდუმლო, რომელშიც მორწმუნე წყალში სამგზის შთავსვისა და მისი მნათლავის მიერ ყოვლდამოწმებას, მამის, ძისა და სულიწმინდის სახელის მოწოდების დროს, ხორციელი, ცოდვილი ცხოვრებისათვის კვდება და სულიწმინდის მიერ სულიერ და წმიდა ცხოვრებაში აღდგება. ამით ახლადმონათული ეკლესიაში შედის და მისი წევრი ხდება.

უკვე თვით ნათლისღების საიდუმლოს განსაზღვრება მეტყველებს იმაზე, რომ იგი ადამიანის ცხოვრებაში ძირითად გარდატეხასთანაა დაკავშირებული. ქრისტიანად გახდომა მხოლოდ მრწამსის ან თუნდაც ცხოვრების წესის შეცვლას არ ნიშნავს, იგი სრულ გარდაქმნას, ახალ ადამიანად გადაქცევას გულისხმობს. უფლის სიტყვით, რომ მარცხვალის იგივე გაცოცხლება, თუ არ მოკვდა (იოანე 12,24) ანდა „რომელმან არა აღიღო სულის თვის... ვერ ხელ-ფეხების მოწაფე ყოფად ჩემდა“ (ლკ. 14,27), ან კიდევ ნიკოდიმოსისათვის ნათქვამი: „უკეთუ ვინმე არა იშვეს წყალსაგან და სულისა, ვერ ხელ-ფეხების შესვლად სასუფეველსა ღმრთისასა“ (იოანე 3,5). აუხდენელი არ არის. ხშირად ისტორიამ, ისევე როგორც ქრისტიანობის ისტორიამ, დაწვეული პაველი მოციქულით, მრავალი მავალი იცის, როცა ქრისტეს მორწმუნენი და შემდეგ ნათლისღებულნი მართლაც ახალ ადამიანებად იქცეოდნენ.

სულიერი დაბადება იმას ნიშნავს, რომ ადამიანი წვეტს ცხოვრებას თავისთვის და ცხოვრებას ქრისტესა და სხვა ადამიანებისათვის იწყებს. მოუპოვებს-რა ამ დროს სრულ ცხოვრებას თავისთვისაც. ქრისტესკენ მოქცევა სავსებით ცვლის ინტერესების ცენტრს. ასეთი მოქცევა ზოგჯერ მკვეთრია, ზოგჯერ თანდათანობით. მოზრდილთა ნათლისღება მათში მომხდარი სულიერი გარდატეხის შედეგია და საიდუმლოს მადლი აკურთხებს და განმტკიცებს მას, ხოლო ბავშვების მონათვლისას, თუმცა მათ ჯერ კიდევ არა აქვთ შეგნებული რწმენა, მათში მადლიანი ცხოვრების თესლი ჩაითესება, რომელსაც შემდგომში, სათანადო ქრისტიანული აღზრდის პირობებში, მონათვლის სრულ გარდაქმნად მიეყვართ.

ნათლობის ღირსეული მიღებისათვის საჭიროა რწმენა და სრული სინანული, უარის თქმა უწინდელ თავგებას ცხოვრებაზე, მისი ბოროტი სულების მოქმედებასთან კავშირის ცნობით და მათგან, განდგომით. ჩველ ბავშვთა მონათვლა დიდი ხნის წინათ დაიწყო. მათგან რასაკვირველია, არ უნდა ველო-

დეთ რწმენას და სინანულს, მაგრამ მათ ნათლავს მშობლებისა და ნათლების რწმენის ძალით, რომელთაც აკისრიათ წმიდა მოვალეობა... შეასწავლონ მონათლულთ სარწმუნოების ჭეშმარიტებანი და დაეხმარონ მათ ახალი ცხოვრების განახლებაში. ჩვენ ვლოცულობთ ბავშვებისათვის და გვწამს, ჩვენი ლოცვის მიხედვით უფალს შეუძლია მათ სხვადასხვა წყალში მიჰმადლოს. განა

უკვანძოთ ეკლესიის შვირ საიდუმლოს

შეიძლება იმაში დაეძვება, რომ მთელი ეკლესიის ლოცვით ნათლისღების საიდუმლოს აღსრულებისას ბავშვთათვის მიანიჭებული მადლი სათანადო ნაყოფს გამოიღებს? ჩვენ ვიცით, რომ თვითონ უფალი უშვებდა ბავშვებს თავისთან (ლკ. 18,15-16) წმინდა იოანე ნათლისმცემელმა ჯერ კიდევ დღის წილში ადიდა უფალი. მადლი მოქმედებს ადამიანის ქვეცნობიერებაზეც.

ამავე დროს ყველა ქრისტიანს უნდა ახსოვდეს, რომ ნათლისღების საიდუმლოში ბოძებული ტაღანტი, საწინდარი ახალი ცხოვრებისა, პირადი ძალისხმევით, ზოგჯერ კი მთელი ცხოვრების ღვაწლით მრავლდება. სხვა სიტყვებით, ჩვენ არასოდეს არ უნდა დავივიწყოთ ნათლობის მიცემული აღიარებები. მიუხედავად ამისა, წმინდა ნათლობის მიღების თანავე მონათლულში წარუშლელი ცვლილებები ხდება. იგი თავისუფლდება პირველყოფილი ცოდვის ტყვეობიდან და მისი გულიდან ეშმაკი განიღვნება, თუმცა ეშმაკს რჩება ცდუნების შესაძლებლობა, მაგრამ იგი თითქმის უცხო ხდება ადამიანისათვის. მონათლავ ადამიანს პირველყოფილი ცოდვის ძალით, არსებითად არ შეუძლია არ შესცოდოს, მონათლულს კი, თუმცა შესაძლებელია შესცოდოს, საიმისო ძალაც შესწევს, რომ არ სცოდავდეს.

ნათლისღების საიდუმლოს შესრულება

ნათლისღება არის ადამიანის ეკლესიის წევრად ჩარიცხვის საიდუმლო, ქრისტეს ძალით მისი მამა ღმერთის შვილად ქცევის გზით. ამგვარად, ნათლობა ეკლესიის საერთო საქმეა და ზემოთა. ძველ დროში უფრო ხშირად მას უდიდეს ქრისტიანულ დღესასწაულს—წმინდა პასექს უკავშირებდნენ. ტაძარშივე

ხდებოდა მზადება ნათლობისათვის და სარწმუნოების შესწავლა ანუ კათაქმელოზა.

ჩვენს დროში ნათლისღებისათვის მოსამზადებლებზე, ეს ზოგადად ეკლესიის ზრუნვა მხოლოდ კათაქმელოზთა ლიტურგიაში, მათთვის აღდგენილ ლოცვებში შემორჩა. პასექის დღეს ნათლობის გამართვის ძველ ჩვეულებას ახლა იკოსის კითხვა და დიდი შაბათის მსახურების ზოგი თავისებურებადა თუ მოგვაგონებს. ნათლისღების საიდუმლომ თანდათანობით კერძო საოჯახო მოთხოვნის ხასიათი შეიძინა, მაგრამ, რა თქმა უნდა, მისი ზოგადსაეკლესიო და პასქალიური მნიშვნელობაც შენარჩუნებულია და მღვდლები ამის შესახებ ისევე, როგორც ნათლების (მოწმეთა) ხშირად მივიწყებულ პასუხმგებლობაზე მუდმივად უნდა მოაგონებდნენ „კათაქმელოზად დაყენება“, როგორც ნათლისღებისათვის მზადების დამამთავრებელი აქტი, რომელიც წინათ ცალკე წესად სრულდებოდა, ახლა უშუალოდ წინ უსწრებს ნათლობას. ამ წესის მთელ სიმბოლურ მღვდელმოქმედებას ღრმა ქმედითი მნიშვნელობა აქვს. მათგან ყველაზე არსებითია: ეშმაკის შეფუცება,

მთავარ მღვდელმოქმედებაში—მოსანათლის წყალში სამგზის შთავსვაში სიტყვებით: „ნათელს იღებს მონა ღვთისა (მისი სახელი) სახელითა მამისათა. ამინ. და ძისათა ამინ და სულისა წმიდისათა. ამინ“—მღვდლმარცობს.

იორდანეში ჩასვლით უფალმა იესო ქრისტემ წყალიცა და მასთან ერთად სამყაროს ყველა სტიქია და საერთოდ, მატერია აკურთხა. ამ მოვლენის შემდეგ მთელმა ბუნებამ კვლავ შეიძინა ძალა მადლისმიერი ნიჭით მიღებისა და გარკვეულწილად მადლის შენახვისა. ამასწინა წყლისა და სხვა სტიქიათა და საგნათა კურთხევის საფუძველი. წყალი ძველთაგან იყო განწმენდის, ხოლო მასში შთავსვა—სინანულის სიმბოლო. ამასთანავე, როგორც სიცოცხლისათვის აუცილებელი, იგი სიცოცხლის სიმბოლოც იყო. აირჩია რა წყალი ნათლობის საიდუმლოს აღსრულებისათვის, უფალმა მასთან დაკავშირებულ სიმბოლოებსაც ქმედითი ძალა მიანიჭა.

კირილე იერუსალიმელის თქმით, კურთხევის შემდეგ მოსანათლისათვის წყალი „კუბოდ და დედად“ იქცევა. კუბოდ იმიტომ, რომ ეშმაკში ჩასვლით ადამიანი მსგავსებით უერთდება ქრისტეს სიკვდილს, დედად იმიტომ, რომ ნათვლით სიკვდილში მისი ხელახალი დაბადება ხდება.

ნაკურთხი ზეთი, რომელიც საიდუმლოს დროს ჯერ წყალს, ხოლო შემდეგ მოსანათლის ეცხება, განკურნებისა და სიჯანსაღის, შერიგების და მშვიდობის სიმბოლოა. სანთლები მართალი სარწმუნოების ნათელს გამოხატავს, საკმეველი—სული წმიდის კეთილსურნელებს, ახლადმონათულთა თეთრი სამოსელი—ცოდვისა და სატანის ტყვეობიდან განთავისუფლებულ ახალ ცხოვრებას ანუ ქრისტიანის სულს, რომელიც მან უმწიკვლოდ უნდა დაიკვას, დაბოლოს, სატარებელი ჯვარი—ქრისტეს მიმდევრობისა და მისი გამარჯვების რწმენის გამოხატულება.

უკიდურესი გასაჭირის შემთხვევაში ნათლობის შესრულება ყოველ მართლმადიდებელ ქრისტიანს „სამეფო სამღვდლოების“, ესე იგი ეკლესიისადმი კუთვნილების ძალით წყალში უბრალო შთავსვით (ანდა სხვებითაც კი) და მოსანათლის სიტყვების წარმოთქმითაც შეუძლია.

წმიდა ეკლესიამ იცის აგრეთვე სისხლით ნათლისღებაც, როცა ადამიანი, რომელმაც ვერ მოასწრო მონათვლა, ქრისტესადმი თავის ერთგულებას მოწამებრივ სიკვდილით აღმტკიცებს. ვფიქრობ ამ განმარტებაში, რომელიც მამა ანტონის დახმარებით, „კატეხიზმოდან“ მოგაწოდეთ სრული წარმოდგენა შეიქმნათ ნათლისღების საიდუმლოზე. ნათლისღება ყველა მონათლული ქრისტიანისათვის ნაცნობი რიტუალია, მაგრამ ცოტა თუ იცნობს მის სრულ შინაარსს.

ამრიგად, რადგან გადარჩენისათვის სხვა გზა არ არსებობს, ამიტომ განურჩევლად ყველა უნდა მონათლოს, რადგან იესო ქრისტემ მოწაფეებს ასე მოუწოდა: „წარვედით და მოიმოწაფენით ყოველნი წარმართნი და ნათელს სცემდით მათ სახელისა მამისათა და ძისათა და სულისა წმინდისათა, რომელსა პრწყმენს და ნათელილოს, ცხოვნდეს. (მათე 28,19; მარკ. 16,16)

თავად ღვთისმშობელი

ცაგერში გაქცეულნი სულიერად აღდგენილნი

წინასწარვე მინდა გითხრა: ღონისძიება, რომელიც ცაგერის საშუალო სკოლაში ჯერ კიდევ იანვრის დასაწყისში ჩატარდა, მაგრამ დამეთანხმებით, ქრისტეშობის თემა აროდეს მოძველებული მართლმადიდებლთათვის. სწორედ ამ უდიდეს დღეს მიეძღვნა ეს საოცრად ღამაზი ღონისძიება. განსაკუთრებით ღამაზი კი ის იყო, რომ ეს დღე ღვთისმშობლის სამხელაინი ხატის გადმოსვენებას დაემთხვა.

ცაგერის საშუალო სკოლის მოსწავლეები გერმანულ ენაზე გადმოსცემდნენ თავიანთ განცდებსა და აზრებს. „წმინდა ხარ“, ბიბლიიდან „წმინდა ხარ“ და სხვა, იკითხებოდა გერმანულად და ისინიც, ვისაც ამ ენის არაფერი გაეგებოდა, ყურადღებით ისმენდნენ, რადგან ქრისტეს ენა ყველას ენაა.

ღონისძიების შემოქმედნი იყვნენ ცაგერის საშუალო სკოლის დირექტორი ქალბატონი ნუნუ ჩაკვეტაძე და გერმანული ენის მასწავლებლები, ქალბატონები იზო სვადაგაიანი და მარინე ბურჯალიანი. საღამოს ცაგერისა და ლენტეხის ეპისკოპოსს მუუფე სტეფანესთან ერთად სამღვდლოების სხვა პირებიც ესწრებოდნენ. მათ დიდი შეფასება მისცეს ბავშვთა და პედაგოგთა ნამუშევარს.

დასასრულს, მრავალჯამიერის ფონზე მუხრან მაჭავარიანის „მზე ამოდის“ იკითხებოდა. გამთბარი გულები გაჟვავა ყველას ამ ღამაზი საღამოდან.

მარინა სვანაძე

ხამხაჭურთ სკოლა: ტრადიციული ხელოვნების კენ და პრინციპები...

ბევრგან მსმენია ხატვის სწავლა შეიძლება. მე არ ვეთანხმები ამ მოსაზრებას, რადგან ხელოვნების ამ დარგს რომ დაეუფლო, ციური ნიჭით დაჯილდოებული უნდა იყო. გურომ დიხანაშვილისა არ იყოს, „ერთი განზომილებით მადლა უნდა იდგე ჩვეულებრივი ადამიანისაგან განსხვავებით“. ასეთი გახლავთ ჩვენი რესპოდენტი, მხატვარი გია ლეთილიანი, რომელიც ცაგერის სამხატვრო სკოლას 1999 წლიდან ხელმძღვანე-

ლობს. ჩვენი საუბარი სურათების გალერეის ერთ-ერთ ოთახში შედგა, იქ, სადაც რამდენიმე წელია შეჩვენული არიან, რადგან, ფაქტობრივად, სამხატვრო სკოლა ნგრევის პირასაა მისული. „უზომოდ მადლიერნი ვართ ქალბატონ მაგალი ღურჭუმელობის, რომელმაც შეგვიფარა, რამდენიმე ოთახი გამოგვიყო სამუშაოდ და ყველაფერს აკეთებს, რომ ნორმალური მუშაობის პირობები შეგვიქმნას“—გვიხსნის გია.

ცაგერის სამხატვრო სკოლა დიდი ტრადიციების მატარებელია. აქ მხატვრობას დაუფლებულმა ბევრმა აღსაზრდელმა სწავლა თბილისის სამხატვრო აკადემიაში გააგრძელა და პროფესიონალ მხატვრებად ჩამოყალიბდნენ. ესენი გახლავთ: რატი ხეცურიანი, ზაზა მეშველიანი, დათო შკუბელიანი, თემურ ქილვარია. დღეს კი სკოლა ავარიულ მდგომარეობაში იმყოფება. შე-

დასასრული მე-5 გვ.



ნაყ დაგვხმარებდა მხაყნაყ აპროფისმენცები...

ცხოვრობს ლენინში ერთი სა-
ოცრად ლამაზი, ახალგაზრდა
ოჯახი. მისი წევრები მოკრძა-
ლებული ნაბიჯებით დადიან ჩვე-
ნი ქალაქის ქუჩებში და თავიანთ
არსებობას მხოლოდ მაშინ შეგ-
ვასხენებენ, როცა ესთეტიკურ სი-
ლამაზეს მოწყურებულნი მათ სა-
ნახადად რომელიმე კულტურულ
ღონისძიებაზე აღმოვჩნდებით.

ნატო სილაგაძისა და საშურა
გოგიძის ოჯახი სიყვარულით შექ-
მნილა და დღესაც ამ სიყვარუ-
ლით სულდგმულობს. ნატო ჯერ
კიდევ სკოლის პერიოდისავე გა-
მოირჩეოდა მსახიობის მონაცე-
მებით. ახალსკოლადაშთავრებულს,
რაიონის ბიბლიოთეკებს შორის გა-
მართულ დეკლამატორთა კონკურ-
სზე, ისე შთაბეჭდილებას წაუ-
კითხავს ლექსი, რომ ჭეშმარიტად
ხელოვანის, აწვანსვენებული
სახელოვანი ლენინში ბორის
ხეცურაინის ყურადღება მიუქცე-
ვია. „რას აპირებო!“ — უკითხავს
ბატონ ბორისა გოგონასთვის და
ამ უკანასკნელსაც გულახდილად
გაუძახებია თეატრალურზე
ჩაბარების სურვილი რომ წვა-
და. — „მე წაგიყვან, მე ჩა-
გაბარებებ, შეილივით მეყოლები“.
ამის შემდეგ ჩაუყვანავს ნატოს
სცენის ჯადოსნური მტვერი. ძალი-
ან დიდია ბატონი ბორისის და-
სახურება ჩემი ცხოვრება ამ გზით
რომ წარმართაო — ტყბილად
იხსენებს იმ წლებს და კულტუ-
რის სახლში სტაჟისთვის მისუ-
ლი საშურა (ალექსანდრე) გოგიძეს
გაიცნობს, რომელსაც სატრაპაზო
ნამდვილად ბევრი ჰქონდა — მამა
ალექო გოგიძე წინა თაობის
ლენინში მთავრის ნაცნობი პერ-
სონაა. ცაგერის სახალხო თეატ-
რში ოთხმოცდაათამდე როლი აქვს
ნათამაშები, გარდა ამისა მისი მუ-
სიკალური მონაცემებით თურმე
ბევრი გაოცებულიც რჩებოდა. სა-
შურას ბაბუას, არდეგან გოგიძეს

კი რაიონში ცნობილი მოცეკვავის
სახელი ჰქონდა. შეილივითი კი
შესანიშნავად აგრძელებდა გენურ
ტრადიციებს და თავისი ლამაზი
არაჩვეულებრივი ხმით ატკობდა
მსმენელს.

მოკლედ, ხელოვნებას შეყვა-
რებულ ნატო სილაგაძე ასევე
ხელოვნებას შეყვარებულ საშუ-
რა გოგიძეზე ხდება შეყვარებული
და 1980 წელს ოჯახიც შეიქმნა. ნა-
ტო დღესაც სინანულით იხსენებს
თავის განუხორციელებ ოც-
ნებას — თეატრალურზე მინც ვერ
მოვხვდიო. გათხოვების შემდეგაც
არ დაუკარგავს თურმე იქ ჩაბარე-
ბის იმედი, მაგრამ „ხანგრძლივ ეს
სოფელი გაახარებს ვისმეს გა-
ნა?“ — პირველი დიდი ტრაგედია
სიყვარულის ნაყოფი, ცხრა თვის
მერცხალთვალა გოგონა მოუ-
ლოდნელად დაეღუპა. თვალცრემ-
ლიანი იხსენებენ და ნატო ფო-
ტოებს ათრთოლებული დედის
ხელებით მაწვდის. სწორედ ამან
ათქმევინა მას ჩემთან საუბარ-
ში — „ქალს, რომელმაც ნახა გან-
ცდა იმისა, რასაც შეილის დაკარ-
გვა ჰქვია, არა აქვს უფლება თავს
ბედნიერი უწოდოს“. ეს თქვა და
თითქოს სატყეარიც იქვე გაყინა
და შეინახა.

შემდეგ პირველი ბიჭი ვახო გაჩ-
ნდა, ამას გიორგიც მიემატა. ნატო
მეუღლეს უმადლის, რომ კვლავ
ხელოვნებას დაუბრუნდა და ცხოვ-
რებაც თავის კალაპოტში ჩაღდა.
„დმერთმა ტრაგედიის საფასურად
დამაჯილდოვა კიდევ — ის, რაც მე
აუსრულებელ ოცნებად მექცა, აის-
რულეს ჩემმა შეილებმა“. ორივე
ვაჟი დიდი ნიჭიერებით გამოირჩე-
ვა. ამაზე ცოტა ქვემოთ.

ნატოსა და მისი მეუღლის ცხოვ-
რებაში იწყება აქტიური შემოქმე-
დების პერიოდი, და რაოდენ გა-
საკვირად არ უნდა მოგეჩვენოს,
ეს ხდება ყბაღაღებული „უძრავობის“
დროს. დიდი შრომისა და ღამეების

თევის ფასად შეიქმნა საინტერესო
სახეები სპექტაკლებში — „ქორწილი
წყნეთში“, „შთამომავლობა“ (ლამა-
რა), „კატასტროფა“ (ასმათი), „ადა-
მიანი იბადება ერთხელ“, „დიდი ზა-
რი“ და სხვა მრავალი.

საშურა სპექტაკლების მუსიკა-
ლურ გაფორმებებში მონაწი-
ლეობდა, კონცერტებზე გამოდიო-
და. იგი იმდენად სიტყვაძიერი აღ-
მოჩნდა, რომ, ფაქტობრივად, ნა-
ტოს კისერზე გადაიარა ჩვენმა
საუბარმა. ერთადერთი, რაშიდაც სა-
შურამ სიტყვაუხვობა არ დაიშუ-
რა, ცაგერულ მაყურებლის შეფა-
სება იყო: „ძალიან დიდია მაყუ-
რებლის როლი ხელოვანის ცხოვ-
რებაში, თითოეული გამოსვლა
მოტიანად მასზეა დამოკიდებული.
ძალიან იშვიათად ნახავთ ისეთი
მაღალი ღონის მაყურებელს, ჩვენ-
თან რომ არის. ჩვენც შესაბამისად
მის წინაშე უდიდეს პასუხის-
მგებლობას ვგრძნობთ. სიმღერა კი
ყოველთვის გრძნობით ვმღერის, რაც
არ მომწონს, არც ვიმღერებ“.

ნატოს დეკლამატორის ნიჭი, რო-
გორც გითხარით, ბავშვობიდან აღ-
მოაჩნდა: „ძალიან მიყვარს ლაღო
ასათიანის პოეზია, მაგრამ იმდენად
მიუწევრობელი მეგონა, გვიან
დავიწყე მისი წაკითხვა. მახსოვს,
ერთხელ კულტურის სახლში კი-
ნოვოლმ „დათა თუთაშხიას“ შემოქ-
მელებით კოლექტივთან იყო შეხვედ-
რა. საპატიო სტუმრებში ოთარ
მეღვინეთუხუცესი, ზურაბ ქაფია-
ნიძე და სხვა გამორჩენილი
მსახიობები იხსენებენ. მე ლაღოს
„ბარდნაღა“ უნდა წამეკითხა. თით-
ქოს ყველაფერი რიგზეა, ლექსიც
ზეპირად ვიცო, მაგრამ ვერ გავხედე
და წავიკითხე თან გავეტანე მიკრო-
ფონთან. საღამოს დამთავრების შემ-
დეგ კულისებში ჩემსკენ ზურაბ ქა-
ფიანიძე გამოემართა და ხმამაღ-
ლა მითხრა: „გოგო! რა კარგი იყო
შენი „ბარდნაღა“, მაგრამ კარგი
იყო ზეპირად გეტქვალ“.

ზმირად თურმე ისეთი რამის წა-
კითხვაც უწევდა, რომლის შინა-
არსი მთლად კარგად არც ესმოდა,
მაგრამ ეს სცენაზე არავის უნდა
დაენახა, ამიტომ ერთი გრძნობით
კითხულობდა ლაღოს „ბარდნაღას“
და ნიშნისნიშის „კომუნისტებს“. სა-
ღამოების წამყვანის როლიც ნა-
ტოს ევალა: „მაშინ სად ჰქონდა
საღამოს წამყვანის იმოდენა თავი-
სუფლება ახლა რომ აქვს. ერთ
ასეთ „კურიოზს“ გავიხსენებ (რო-
მელიც მაშინ საკმაოდ „ძვირი და-
მიჯდა). მომიტანეს წამყვანის დაშ-
ტამპული ტექსტი. შეხვედრა იყო
ღებუტატ მოსწავლით, თუ არ



ვცდები. ამ ტექსტის ჩარჩოებს არა-
ნაირად არ უნდა გავშორებოდი. იყო
ლოგო, ჩარჩო და მორჩა. საღამომ
იმდენად კარგად ჩაიარა და იმდენად
კარგი მაყურებელი მოვიდა, და-
სასრულს დარბაზის სამად-
ლობელის მიზნით ტექსტში ჩაუ-
წერელი ორად-ორი სიტყვა „წამომ-
ცდა“ — „გამდლობთ, ყურადღებისათ-
ვის“. ვაი, თქვენს მტერს, მე მაშინ
დღე დამაღდა“. დიან, ზოგჯერ ასეც
ხდებოდა.

ე.წ. ოქროს ხანას ცოლ-ქმარი
ბორის ხეცურაინის პერიოდს უწო-
დებს. საუკეთესო კრებული ყოფი-
ლა მაშინ — მანანა ჩხეტიანი, ლეი-
ლა ლეთოლიანი, ლევან კუპრაშვი-
ლი, რუბენ გოგიძე, სოზარ ბენდე-
ლიანი და სხვები და კარგ გუნდს
საქმედ კარგად გამოსდიოდა. „სა-
ერთოდ ბედი გვწყალობს. დღესაც
კარგ გარემოში ვტრიალებთ — ზა-
ზა ყურაშვილი, დარეჯან საღინაძე,
და სხვები. თუ ოდნავ ხელისშეწყ-
ვობა გვექნება, მალე ახალი სპექ-
ტაკლიც დაიდგება. პაუზა საში-
ნელეა სცენას მიჩვეული ადამი-
ანისათვის, თეატრს ყველა პრობ-
ლემა შეუძლია დაგავიწყოს, უთე-
ატრობა კი შიმშილის გრძნობას
ჰგავს“.

ნატოსა და საშურას ორი დიდი
სიმღერე, ორი ვაჟი ვახო და გი-
ორგი ჰყავთ. უფროსი, ვახო თურ-
მე თეატრში არ დაბადებულა, თო-
რემ იქ გაიზარდა. ოთხი წლიდან
სიმღერა დაუწყო, ცეკვაშიც მალე
მიუბარებიათ. სკოლის პერიოდში
კი ალბათ ყველას გვახსოვს რა
აქტიური იყო სცენაზე. იმაშიდაც
არ შემედავებით, ძალიან რომ
უხდება ვახო სცენას და პირი-
ქით — სცენა მას. სკოლის პერიოდ-
შივე ზაზა ყურაშვილის რეჟისო-
რობით დადგმულ „კუკარაჩაში“ თა-
მაზის როლი ითამაშა. შემდეგ ეს
სპექტაკლი როცა განახლდა ვახო
უკვე მოწიფული იყო და იგი მის-
მა ძმამ, გიორგიმ შეცვალა. ძალი-
ან განსხვავდებიან თურმე ძმები

ერთმანეთისაგან — გიორგი მორც-
ხვია, ვახო თამაში, ეს უკანასკნე-
ლი კულტურის სახელმწიფო უნი-
ვერსიტეტის კინო-თეატრის სამ-
სახალოზე სწავლობს, მესამე
კურსზეა. ვახოს დედა განსაკუთ-
რებულად მაღლიერებით კულტურის
სახლის დირექტორის, დარეჯან
საღინაძის დამსახურებას უსვამს
ხაზს — „რომ იტყვიან მან მოკი-
და ხელი, მან აღმოაჩინა ვახო
შეიძლება ვთქვა, რომ მისი შვი-
ლობილია. ინსტიტუტშიც ძალიან
გაუმართლა ჩემს ვაჟს. ვშიშობდი,
მაგრამ როცა გავიგე ზურაბ მანა-
გაძის, ნინელი ჭანკვეტაძის, სან-
დრო მრევლიშვილის, კახა ბაკუ-
რაძისა და რამაზ იოსელიანის მე-
ურვეობის ქვეშ იმყოფებოდა, და-
წყნარდი“.

რიგ-რიგობით ვუქცერ ვახოს ში-
ნარსიანი სტუდენტობის ამ-
სახველ ფოტომასალებს. აი, სა-
კურსო სპექტაკლ „რიჩარდის“ ფო-
ტო. ვახო რინმონდის როლში. ეს
სპექტაკლი თურმე პანტომიმით და-
იდგა. გასტროლები ჰქონიათ ერე-
ვანში, ოქტომბერში — როსტოვში,
ინდოეთშიც აპირებენ ტურნეს.

პრობლემებზე საუბარი, მისი
სიმრავლის მიუხედავად, ბოლოს-
თვის შემოვინახეთ. რა თქმა უნ-
და, საუბედუროდ, ისინი ბევრია,
მაგრამ რა ასულდგმულებით იცით
ასეთ ადამიანებს? ხალხს რომ კი-
დევი იმის მოთხოვნილება უჩნდება
შეგეკითხოთ — ახალს არაფერს
დგამთ? რეალობა და დღევანდე-
ლობა კი იმის პრეცედენტსაც
გვიხმობს, რომ ზოგჯერ ხელი ჩა-
ვიქნით, მოვდუნდეთ, მაგრამ...

მაგრამ ჩვენ ეს ადამიანები
გვჭირდებათ. სწორედ ახლა, რო-
გორც არასდროს, რადგან გაპირ-
და სიკეთე და სიბოროტე, სილაგაძე
და ერთგულება. ნუ დაგვეზარება
მათთვის მხურვალე აპოლოდისმენ-
ტები, რათა არ ჩაცხრენ, არ ჩაი-
ფერფლონ!

მარინა სვანიძე



ბრასამთავრობო ორგანიზაცია „სამართლიანი არჩევნები“

კარგა ხანია, უკვე, რაც საქართველო დე-
მოკრატიული გრადაციის გზას ადგას. თავი-
სუფალი აზროვნებით განებივრებულებს ჯერ
კიდევ ბევრი რამ, ჩვენთვის მიუღებელი და
უცხოა. მსოფლიოს წამყვანი სახელმწიფოები
გვიზიარებენ იმ გამოცდილებას, რაც მათ უკ-
ვე მიიღეს. ამის გამო ჩვენს ქვეყანაში ფეხს
იკიდებს სხვადასხვა არასამთავრობო ორგანი-
ზაცია. ერთ-ერთი ასეთი გახლავთ სამართლი-
ანი არჩევნებისა და დემოკრატიის საერთაშო-
რისო საზოგადოება. ორგანიზაცია საქართვე-
ლოში 1995 წელს ჩამოყალიბდა და აშშ-ის
საერთაშორისო საქმეთა ეროვნულ დემოკრა-
ტიული ინსტიტუტისა და საერთაშორისო გან-
ვითარების სააგენტოს მიერ ფინანსდება.

საზოგადოებამ საფუძველი ჩაუყარა საქარ-
თველოში ყველა ღონის არჩევნების მასობრივი
სამოქალაქო მონიტორინგის ტრადიციას. ჩაა-

ტარა როგორც საპარლამენტო, საპრეზიდენტო
და ადგილობრივი არჩევნების მონიტორინგები.
„სამართლიანი არჩევნების“ მიზანია დაიხვე-
წოს საკანონმდებლო ბაზა, საარჩევნო პროცე-
დურები და საბოლოო ჯამში არჩევნები გახდეს
სამართლიანი და დემოკრატიული. აგრეთვე მო-
იცავს მცირე გრანტების პროგრამას.

ორგანიზაცია საქართველოში ძირითადად ორ
ოფისად იყოფა. (აღმოსავლეთისა და დასავლეთ-
ის) თითქმის ყველა რაიონში ჰყავს თავისი
კოორდინატორები. მათ შორის ჩვენთანაც.

სამართლიანი არჩევნების საზოგადოება ცა-
გერის რაიონში 2001 წლის მაისის თვიდან
ჩამოყალიბდა, რომლის კოორდინატორი გახლავთ
გიორგი აბულდინი. ორგანიზაციამ მონაწი-
ლეობა მიიღო ადგილობრივი თვითმმართვე-
ლობის არჩევნებში. თითქმის ყველა საარჩევნო
უბანში გაიგზავნა პირი — დამკვირვებლის სტა-

ტუსით, რათა რაიმე არაკანონიერ ქმედებას აღ-
გოლი არ ჰქონოდა. არჩევნების შემდეგ რაიონ-
ში არსებულმა ამ ორგანიზაციამ განახორციე-
ლა სამედიცინო სადაზღვევო პოლისის მონი-
ტორინგის პროგრამა, რომელიც მოიცავდა
მთელს რაიონს და რომლის ძირითადი ფუნ-
ქცია გახლდათ შევიკრებული მოსახლეობისათ-
ვის გაეცნოთ სადაზღვევო პოლისის მოქმედების
მექანიზმი.

დეკემბრის თვიდან იწყება ახალ პროექტზე
მუშაობა კერძოდ, საპასპორტო-სავიზო, მოქა-
ლქის პირადობის მოწმობებისა და პასპორ-
ტების გაცემის პროგრამაზე.

მოსახლეობამ ხშირად არ იცის, თუ რა ღირს,
კანონის შესაბამისად, პირადობის დამადასტუ-
რებელი მოწმობის მიღება მიუხედავად იმისა,
რომ პასპორტის აღების წესი საკმაოდ გამარ-
ტივებულია, ხშირია, როცა საპასპორტო გან-

ყოფილებაში აჭიანურებენ საბუთების მიღების
პროცედურას და პირდაპირ ასახელებენ საქი-
როზე ზედმეტ თანხებს. მოსახლეობის ნდობა
დაკარგულია ამ სამსახურების მიმართ და უმ-
რავლესობა აღარც კი ცდილობს აიღოს მოწ-
მობები. პროექტის მთავარი მიზანია დაეხმა-
როს მოქალაქეებს პასპორტის აღებაში, გააც-
ნოს მათ თავიანთი კანონიერი უფლებები, რა-
თა დაზარალებულნი არ აღმოჩნდნენ ისინი
ზედმეტი თანხების გამოძალგის გამო.

ორგანიზაციამ ჩაატარა შეხვედრები მო-
სახლეობასთან. პროგრამებზე მუშაობის დროს
დაამზადა და გამოუშვა საინფორმაციო ბუკ-
ლეტები. ამჯერად მიმდინარეობს მზადება მო-
მავალი საპარლამენტო არჩევნებისათვის.

გაა ჯიბილიანი

ლაშაზი ფახაურთი ცაგერში

რაიონის სპორტკომიტეტის ინიციატივით ქ. ცაგერის სპორტულ დარბაზში ჩატარდა ვაჟ ფრენბურთელთა ტურნირი რაიონის უძლიერესი ქ. ცაგერის, ლასურიაშის, ქვედა ცაგერისა და ზუბის გუნდების მონაწილეობით.

სპორტულ ღონისძიებაზე შეკრებილმა მარგალიტხოვანმა მაყურებელმა საინტერესო, ლამაზი პაექრობა იხილა.

შეჯიბრების მონაწილე გუნ-

დებში თამაშობდნენ საქართველოს ჩემპიონები, ქვეყნის ახალგაზრდული ნაკრები გუნდის წევრები.

მეტოქეები ერთმანეთს წრიული სისტემით ხვდებოდნენ, რის შედეგადაც 3 მოგებით პირველი ადგილი მოიპოვა ლასურიაშის გუნდმა, რომელმაც დასკვნით შეხვედრაში დაძაბული თამაში მოუგო სოფელ ქვედა ცაგერის გუნდს.

ოსტატური თამაშით განსა-

კუთრებით გამოიჩინეს თავი ახალგაზრდა პერსპექტიულმა მოთამაშეებმა ლასურიაშელმა ირაკლი ბრეგვაძემ, ქვედა ცაგერელმა ძმებმა ლაშა და დათო ლიპატრელიანებმა, ცაგერელმა დათო ქარსელაძემ და ზაალ ხაბულიანმა.

გამარჯვებული გუნდი დაჯილდოვდა გარდამავალი თასით და ფულადი პრიზით.



სურათზე: საქართველოს სპორტის დამსახურებული მუშაკი, ფრენბურთელთა აღმზრდელი თენგიზ სალინაძე რაიონის ახალი თაობის ფრენბურთელებთან.

ნუ მიბატობავ ლეჩს სთგისტომოდ, დროის, ეპოქის და სივრცის ბატონი

სორცის სიმძიმე მაიმულებს

დაეშუა დაბლა.

ცაში ვიფრენდი, რა თქმა უნდა, იგი რომ არა.

სიტუვას ვიტყვდი, რა თქმა უნდა, უფრო მეტად

იგი რომ არა.

ხარ სორციელი—სიდიადეს

ვინ დაგეგმებს!—

სხეული შენი შენ უდმერთოდ

გაპატარავებს.

დმერთის რომ იყო—

სიტუვას შენსაჲ შორს დაიჭერენ!

—პატივს გცემს ვინმე?

—ვიცნობს ვინმე?

—ალბათ, არავინ!

რას წარმოადგენს თავისთავად

შენი ცხოვრება?

—მუდამ,

—უოველდღე—

იმედების გაბათილებას!

—რა გელოდება?

—არაერთხელ ჩაიქოლები!

—კიდევ რა გელის?

—ჯვარცმა!

—მერე?—მერე... დიდება!

ოდეს

სორცისგან განატვირთული—

მუნთან მაჭავარიანი

ასპაჩეზობენ მოქაძეაეები

ქაღრაში ვაჟთა შორის რაიონულ შეჯიბრებაში 8 მონაწილეს შორის პირველ ადგილზე გამოვიდა ჩხუტელელი სპარტაკ კვირიკაშვილი, მეორე ადგილი წილად ხვდა ლასურიაშელ გოჩა მუშკუდიანს. მესამე ადგილი მოიპოვა ცაგერელმა გია ახვლედიანმა.

გიორგი კვირიკაშვილი

რაიონის სპორტკომიტეტის თავმჯდომარე



გიორგი კვირიკაშვილი

მუშაობს ჯიშიას!

სულითა და გულით მოგილოცავთ ღირსების ორდენით დაჯილდოებას. კვლავაც მხნეობას, ახალ-ახალ გამარჯვებებს გისურვებთ მოსწავლე, ახალგაზრდობის სწავლა-აღზრდის კეთილშობილურ საქმეში.

გაზეთ „ახალი ლენხუმის“ რედაქცია

მარინა გერიკე; მამული ლეთოდინი



ერემოსა და დარდში გაგატარეთ ორი წელი. 2001 წლის 31 იანვარი შავდ გათენდა ჩვენი ოჯახისათვის. ორი წელი გავიდა მას შემდეგ რაც შენი სითბოთი საყვარელი ალარ ანათებს. მოუშუშებელი ჭრილობა და ტკივილი დაგვიტოვა გულში. ჩუმად და მოულოდნელად დატოვე შენი ლამაზი სიცოცხლე. რაც უნდა დრო გავიდეს ვერაფერი გაანელებს იმ ტკივილს და მწუხარებას, რაც ჩვენ განვიცადეთ.

გწამდეს არასდროს არ დაგვიწყებთ ანდერძად ეს დაგვიტოვე, მუდამ ჩვენს გვერდით გიგულებით, ჩვენო ძვირფასო მარინე!

კიდევ ერთი სიცოცხლე მოგვაკლდა ახლობლებს და ნათესავებს. შენი საყვარელი მამული დეიდა. მოულოდნელად გამოგვეცალა ხელიდან.

2003 წლის 31 იანვარს 2 წელი გავიდა უშენოდ.

2003 წლის 2 თებერვალს შენი მამული დეიდის გარდაცვალებიდან კი 1 წელი.

იძინეთ მშვიდათ, ჩემო საყვარელო შვილო მარინე და დაო მამული.

ღმერთმა დაიფაროს თქვენი სპეტაკი სულები და გაგინათოთ სასუფეველი.

თამარი ოჯახი

არშაკო გიშტორის კე ომანაქე

შენმა სიკვდილმა ხალხი გააოგნა. ამავე ხალხმა დაგირა ლენხუმში და ქუთაისში, ამავე ხალხს გაუჭირდა შენთან განშორება.

ღმერთს კი შენს ოჯახში აღელვებულ ზღვასავით არეულ ფიქრებში, ყრუ კედლების მიღმა დარჩენილა აცრემლებული თვალები. თითქმის წლებს უნდა მიევიწყებინა ტკივილი, მაგრამ ამოდ. იანვრის თვე ჩვენთვის საბედისწერო აღმოჩნდა. ოჯახს მონატრებული დაბრუნებისთანავე მოულოდნელად სამუდამოდ წაახვედ. უმძიმეს

უშენობა შენ თმაშეპლარავებულ მეუღლეს, რომელიც შევას შენივე საფლავის ქვასთან პოულობს. უმძიმეს შეილებს შენზე წარსული დროში საუბარი, მაგრამ სულს მოგონებებით იმშვიდებენ.

შენ ყოველთვის გწამდა და გგეროდა ანგელოზებთან მიხლოების. ჩვენ კი შენივე რწმენით ვიიმედებთ თავს, რათა ერთმანეთს სასუფეველში კვლავ ერთ ოჯახად შევხვდეთ.

ოჯახი

✠ ხსოვნა ✠

ნინო ჭიჭიშვილი-ფიფია

ჩვენო საყვარელო ნინო, 2 წელი გავიდა იმ „ღვთისგან დაღვნილი დღიდან“, როცა შენმა სულმა სასუფეველში გადაინაცვლა.

წახვედი და დაგვიტოვე ღრმა ტკივილი და ლამაზი მოგონებები შენს ყველა ახლობელს, საყვარელ დედ-მამასა და მეუღლეს. 22 წელი იცხოვრე ამქვეყნად და ყველგან სიყვარულსა და სითბოს თესავდი. როგორ ხარობდნენ შენი მშობლები... სამედიცინო უნივერსიტეტს ამთავრებდი და შენს კეთილ მომავალზე ფიქრობდნენ. ბედის ბედნიერი გქონდა... მაგრამ უფალმა შენ ამოგირჩია იმ მშვენიერების საპერეტად, „რომლის წინაშეც ყველა სილამაზე ფერმკრთალდება“.

შენს დედ-მამასა და ნათესავებს გვახსენდება წმ. ავგუსტინეს სიტყვები:

„სიკვდილი არა არის რა, მე მხოლოდ გაღმა მხარეს გავდი...

ნუ მიიღებ სამგლოვიარო და მწუხარე იერს...

სიცოცხლე...

ილოცე, გაიღიმე, იფიქრე ჩემზე, ჩემთან ერთად ილოცე...“

სხვა რაღა დაგვრჩენია, ვილოცებთ შენი სულისთვის და შევთხოვთ უფალს, დაგამკვიდროს იქ, „სადაც მართალნი განისვენებენ“.

ახლობლები

მზევინარ ძნელაძე, შურა შვუბულიანი ოჯახით სამძიმარს უცხადებენ გიზო ქარსელაძის ოჯახს

დადის

გარდაცვალების გამო.

მისამართი:

ცაგერი, რუსთაველის №47. ტელ: 22-86

გაზეთი აიწყო, დაკაბდონდა და ოფსეტური წესით დაიბეჭდა ქუთაისის გ. ტაბიძის სახელობის ს/ს „სტამბაში“

ქ. ქუთაისი, ი. ჭავჭავაძის გამზ. 33 ტელ: 7-07-60, 7-34-99

რედაქტორი
თამარ
დავითიშვილიანი

პასუხისმგებელი
მდივანი
მეზვეინარ
ქენელაძე

ხარედაქციო კოლეგია:
ეკა ყვირილიანი,
მარინა სვანიძე,
ეკა ბენდელიანი.